



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-04/02-04-32093-128/24  
Sarajevo, 20.08.2024. godine

## SKUPŠTINA KANTONA SARAJEVO

– ovdje–

**PREDMET:** Odgovor na zastupničku inicijativu – zastupnica Elza Gaković

Zastupnica Elza Gaković je Ministarstvu za odgoj i obrazovanje Kantona Sarajevo, na 16. radnoj sjednici Skupštine Kantona Sarajevo, uputili zastupničku inicijativu, u skladu sa članom 213. Poslovnika Skupštine Kantona Sarajevo, citiramo:

*„Pokrećem zastupničku inicijativu za uvođenje produženog boravka u OŠ „Umihana Čuvidina“  
Obrazloženje:*

*Shodno većem broju upita od strane roditelja kao i nastavnog osoblja evidentna je potreba uvođenja produženog boravka u OŠ „Umihana Čuvidina“.*

*19.07.2024. godine menadžment OŠ „Umihana Čuvidina“ dostavio je akt resornom ministarstvu vezan za ovu problematiku. Ovim putem iniciram obilazak OŠ „Umihana Čuvidina“ i sagledavanje mogućnosti uvođenja produženog boravka u OŠ „Umihana Čuvidina“.*“

### **ODGOVOR:**

U vezi sa predmetnim pitanjem, ovim putem Vas obavještavamo da je članom 46. st. (5) i (6) Zakona o odgoju i obrazovanju u osnovnoj i srednjoj školi u Kantonu Sarajevo „Službene novine Kantona Sarajevo, broj: 27/24), propisano sljedeće, citiramo:

*„(5) Redovna osnovna škola i centar su obavezni da organizuju produženi boravak učenika kao poseban oblik odgojno-obrazovnog rada, u skladu sa pedagoškim standardima i normativima, a isti može biti sufinansiran iz Budžeta Kantona Sarajevo.*

*(6) Bliži propis o organizaciji odgojno-obrazovnog rada iz stava (5) ovog člana donosi Ministarstvo, na prijedlog Instituta uz saglasnost Vlade.“*

Također, u poglavlju 1. Školski prostor u Pedagoškim standardima za osnovni odgoj i obrazovanje i normativima školskog prostora, opreme, nastavnih sredstava i učila za osnovnu školu („Službene novine Kantona Sarajevo“, br. 10/24 i 21/24-Ispravka), propisano je da je minimalna površina prostora za produženi boravak u smjeni 4 m<sup>2</sup>, a optimalna 6 m<sup>2</sup>.

U Poglavlju 4. Broj učenika u odjeljenju/grupi tačka 4.1. Redovne osnovne i paralelne škole pomenutih pedagoških standarda i normativa propisani su minimalan, optimalan i maksimalan broj učenika u produženom boravku i to:

- minimalno 16 učenika u produženom boravku za učenike od I do IV razreda ukoliko je grupa formirana od učenika iz istog razreda (optimalno 22, maksimalno 26);
- minimalno 8 učenika u produženom boravku za učenike od I do IV razreda ukoliko je grupa formirana od učenika iz dva razreda (optimalno 14, maksimalno 18);
- minimalno 6 učenika u produženom boravku za učenike od I do IV razreda ukoliko je grupa formirana od učenika iz tri razreda (optimalno 12, maksimalno 66) i
- minimalno 4 učenika u produženom boravku za učenike od I do IV razreda ukoliko je grupa formirana od učenika iz četiri razreda (optimalno 10, maksimalno 14).

Poglavljem 7. Opis poslova stručnih saradnika i saradnika, u tački 7.14. Voditelj grupe u produženom boravku navedenih pedagoških standarda i normativa propisani su poslovi i radni zadaci voditelja grupe u produženom boravku, kao i profil i stručna sprema za pomenuta lica, koji podrazumijevaju sljedeće, citiramo:

„Poslove i zadatke voditelja grupe u produženom boravku mogu obavljati lica:

- koja ispunjavaju uvjete za nastavnika u osnovnoj školi centru;
- sa stečenim VII stepenom stručne spreme i zvanjem diplomirani socijalni pedagog ili diplomirani pedagog ili diplomirani pedagog-psiholog ili profesor pedagogije ili diplomirani psiholog ili profesor psihologije;
- završenim I ciklusom bolonjskog visokoobrazovnog procesa (240 ECTS) i stečenim zvanjem bakalaureat/bachelor pedagogije-psihologije ili bakalaureat/bachelor pedagogije ili bakalaureat/bachelor pedagogije i druga studijska grupa (dvopredmetni studij) ili profesor pedagogije-bachelor ili bakalaureat/bachelor socijalne pedagogije ili bakalaureat/bachelor psihologije;
- završenim II ciklusom bolonjskog visokoobrazovnog procesa i stečenim zvanjem: (magistar/master pedagogije-akademski smjer ili magistar/master pedagogije strukovni smjer ili magistar socijalne pedagogije ili magistar/master specijalne pedagogije ili magistar/master pedagogije i druga studijska grupa (dvopredmetni studij) ili magistar/master psihologije) sa prethodno završenim I ciklusom studija iz istog područja.

Poslove ovog radnog mjesta mogu obavljati i radnici zatečeni na poslovima voditelja grupe u produženom boravku koji nemaju stručnu spremu u skladu sa ovim odredbama, a imaju ugovore o radu na određeno vrijeme na dan stupanja na snagu ovih Pedagoških standarda i normativa. Spomenuti radnici ostaju na svojim poslovima i zadacima i nisu dužni stjecati viši stepen ili drugu stručnu spremu od one koju posjeduju.“

U skladu sa navedenim, za svaku školu će se utvrđivati ispunjenost svih uvjeta za organiziranje i rad produženog boravka kao posebnog oblika odgojno-obrazovnog rada.

Ovim putem Vas, također, Želimo upoznati sa činjenicom da Vlada Kantona Sarajevo trenutno priprema poseban program Vlade koji se odnosi na rad svih produženih boravaka u svim osnovnim školama iz nadležnosti Ministarstva za odgoj i obrazovanje.

S poštovanjem,

Dostavit:

1. Naslovu,
2. Stručna služba Vlade kantona Sarajevo,
3. Evidenciji
4. Arhivi

